



Vatan yagonadir,  
Vatan bittadir!

№: 3 (67272)  
2020-yil 20-yanvar

# Tong yulduzi

[www.tongyulduzi.uz](http://www.tongyulduzi.uz)

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi ISSN-2010-6092

## YOSH MATEMATIKLARNING YANA BIR MUVAFFAQIYATI



*O'tgan hafta davomida turli xushxabar-u ta'lim sohasida ro'y bergan ajoyib voqea-hodisalarning guvohi bo'ldik. Ular orasida ayniqsa, yurtimizning bir guruh yosh matematiklarining qo'lga kiritgan yutuqlariga havas qilsangiz arziydi. Havas esa sizni ham g'alabalar sari chorlashini istaymiz.*

*Qozog'iston Respublikasi, Olmaota shahrida matematika, fizika va informatika fanlaridan bo'lib o'tgan XVI xalqaro Jautikov (IZHO) olimpiadasida qatnashgan tengdoshlaringiz munosib o'rinlarni egallashdi. Jahon miqyosida yuqori nufuzga ega mazkur olimpiadada yurtimiz vakillari 6 ta medalni qo'lga kiritdi. Mamlakatimiz o'quvchilarini yil boshidagi muvaffaqiyatlari bilan qutlab, bunday katta marralarni zabt etishdan charchamang, deymiz!*

## 3-CHORAK YANGI BINODA BOSHLANDI

2-bet





**Maktab sahnasida bejirim kiyimlari o'ziga  
yarashgan bolakay qo'shiqni berilib ijro etadi.  
Atlas ko'ylakli qizlar esa qo'shiq ohangiga monand  
raqsga tushishadi. Yig'ilganlar ularni olqishlab,  
gulduros qarsaklar chalishadi. Bu san'atsevar  
o'quvchilar kimligiga qiziqayotgan bo'lsangiz  
kerak-a? Ular poytaxtimizning Shayxontohur  
tumanidagi 85-umumta'lim maktabining 5-«A»  
sinf o'quvchilari.**

ham adabiyotni juda yaxshi  
ko'risharkan. She'r yod olish,  
badiiy kitob o'qish bu uch  
dugonaning jon-u dili ekan.

miz. Bu takliflarimizni  
ma'naviy-ma'rifiy ishlar  
bo'yicha direktor o'rinbosari  
Mahfuza Nasrullayeva,

## 3-CHORAK YANGI BINODA BOSHLANDI

Tolibjon Sultonmurodov  
ustoz Mashhura Po'latova  
ko'magida «O'zbek bolasi»  
nomli she'rni kuyga solib  
aytishni o'rgandi. Raqslari  
sinfdoshlari Hanifa Narzil-  
layeva, Mehribon Erkinova,  
Behruza Saidahmadova  
ustozlari boshchiligidagi  
sahnalashtirishdi va yangi  
ta'mirdan chiqarilgan  
maktablarining ochilish ma-  
rosimiga bag'ishlangan  
bayram tadbirida ijro etishdi.

Shu munosabat bilan ushu-  
bu ta'lim muassasasidagi  
iqtidorli o'quvchilar bilan  
tanishdik. Tolibjon «Ertak  
qahramonlari» mavzusida  
chizilgan «Rasmlar tanlovi»-  
da ishtirok etib, tumanda  
2-o'rinni egallabdi. Behruza  
«Konstitutsiya – mening  
taqdirimda» nomli inshosi  
uchun maktab bo'yicha faxrli  
o'rinni egallabdi. O'quvchilar  
gazetamizning 2020-yil-  
da chop etilgan ilk soni

bilan tanishar ekan, Tolib-  
jon – «Yil fasllari» bolalar  
ijodiy rasmlari respublika  
ko'rik-tanloviga o'zim chiz-  
gan rasmlarni yuboraman  
va albatta, g'olib bo'lishga  
harakat qilaman, – dedi.

9-«A» sinf o'quvchilari  
Muxsina Zohidova «Yosh  
kitobxon» ko'rik-tanlovining  
tuman bosqichida 3-o'rinni  
egallabdi. Sinfdoshlari  
Mohira Mirzaahmedova,  
Kamola Ibrohimxo'jayeva



– 254-umumta'lim mak-  
tabida o'tkazilgan «Qizlar  
Sammiti»da ham qatnash-  
ganmiz, – deydi Kamola. –  
So'ngra, o'z maktabimizda  
ham ana shunday tadbir  
o'tkazdik. Qizlarni ko'proq

Yoshlar yetakchisi Humo-  
yun Yo'ldoshev, albatta,  
inobatga olishyapti.

– Maktabimiz o'quvchilari  
o'quv yilining 3-choragini  
ta'mirdan chiqqan ta'lim  
muassasasida boshlash-  
di, – dedi 85-umumta'lim  
maktabi rahbari Salima  
Sharopova. – Maktabimiz  
qoshida xususiy maktab  
ochish niyatimiz bor. Biz  
uchun yaratilgan shart-sha-  
roitlarga javoban darslar,  
mashg'ulotlar samaradorli-  
gini, o'qituvchilar malakasini  
oshirishga alohida e'tibor  
qaratyapmiz. Shuningek,  
oila-maktab-mahalla ham-  
korligini yanada yuqori da-  
rajaga ko'tarishga harakat  
qilamiz, deya ishonch  
bilan ayta olaman.

qanday mavzular qiziq-  
tirishini o'rgandik.

Ma'naviy-ma'rifiy  
soatlarda ustoz-  
larimizga ana  
shu mavzu-  
lar doirasida  
suhbatlar  
uyushti-  
rishni,  
rejaga  
kiritishni  
taklif  
qilayap-

## ENG YAXSHI KITOBXON MAKTAB

**Aziz o'quvchim! So'nggi paytlarda kitob o'qigan o'quvchining qanday  
yutuqlar-u sovrinlarga erishayotgani haqida ko'p va xo'p eshitmoqdasiz.  
Bugun esa Sizni «Eng yaxshi kitobxon maktab» bilan tanishtirmoqchimiz.**



Prezidentimiz ilgari sur-  
gan 5 ta muhim tashabbusning  
biri bo'lmish kitobxonlik borasida  
Samarqand viloyati hokimi Erkin-  
jon Turdimov «Eng yaxshi kitobxon  
maktab» nomli ko'rik-tanlov o'tkazish  
taklifini bildirgan edi. Shu kungacha tan-  
lovning tuman va shahar bosqichlari bo'lib  
o'tdi. Yaqinda tanlovning viloyat bosqichida  
maktab direktorining ma'naviy-ma'rifiy ishlar  
bo'yicha direktor o'rinbosari, kutubxona mudiri,  
yoshlar yetakchisi hamda 4 nafar o'quvchidan  
iborat avvalgi bosqichlarda g'olib bo'lgan 16  
ta maktab jamoasi o'zaro bellashishdi. Tanlov  
shartlariga ko'ra ishtirokchilar o'z jamoalarini  
tanishtirib,

tezkor savol-javoblarda o'zbek va jahon adabiyoti namoyan-  
dalari, ularning asarlari bo'yicha olgan bilimlarini sinovdan  
o'tkazishdi.

Shunday qilib, Kattaqo'rg'on tumanidagi 1-umumta'lim mak-  
tabi 1-o'ringa munosib ko'rildi va 100 million so'm miqdoridagi  
pul mukofoti bilan taqdirlandi.

2-o'ringa esa Paxtachi tumanidagi 24-umumta'lim maktabi  
loyiq topilib, kompyuter jamlanmasini qo'lga kiritdi.

3-o'rin – Ishtixon tumanidagi 1-ixtisoslashtirilgan davlat  
umumta'lim maktabiga nasib etdi. Maktab jamoasi noutbuk  
bilan taqdirlandi.

G'oliblarga mazkur mukofotlar tantanali ravishda  
topshirilgan ekan, doira-yu kuy-qo'shiqlarning jarangi  
barchani bayramga chorladi.

Sayyora QODIROVA



Ta'lim-tarbiyaning  
asosiy poydevori bu  
maktab. Maktabning  
mavqeini ko'taradigan  
omil esa bu o'qituv-  
chilardir. Fursatdan  
foydalanib, mazkur  
bilim dargohida faoli-  
yat ko'rsatayotgan  
barcha ustozlarimizga  
mas'uliyatli va sharafli  
ishlarida muvaffaqi-  
yatlar tilaymiz.

Nodira NAZAROVA

Erta tongda maktab tomon yo'l olarkanman, bilim olish uchun shoshib darsga borish o'rniga, o'zlarining mobil aloqa vositalari bilan ovora o'quvchilarni kuzataman. Telefondagi turli o'yinlar, har xil saytlar o'quvchilar xayolini butunlay egallagandek, go'yo. Telefon degan matoh bolalarning ong-u shuurini shunday egallaganki, dars vaqtida ham uni qo'llaridan qo'yishmaydi. Bu esa o'qituvchimizga, sinfdoshlarga nisbatan hurmatsizlik belgisidir. Hattoki bir bola dars vaqtida aloqa vositasidan foydalangani uchun o'qituvchimiz bilan tortishib qoldi. Shunda o'qituvchimiz aytgan maslahat va o'gitlardan vaqtni qadriga yetish, darslarni o'z vaqtida bajarish, telefondan me'yorida, oqilona foydalanish lozim, degan xulosa chiqardik.

## OQILONA XULOSA

Hozirgi kunda yoshlarning ko'pchiligi «Virtual olam»ga juda bog'lanib qolishgan. Ular uchun hayot shundan iborat bo'lib qolmoqda. Undagi turli xil o'yinlar insonlar ongini zaharlamoqda. Natijada, o'smirlar orasida o'z joniga qasd qilish holatlari ham kuzatilmoqda.

Internet orqali do'stlar topishmoqda. Farzandlar ota-onalariga, yaqinlariga bee'tibor, bemehr bo'lib bormoqda. Lekin internetning foydali tomonlari ham yo'q emas.

O'qishda, ishda kerakli savollarga javob topishda foydalanish, dunyo yangiliklaridan tezkor xabardor bo'lish kabi foydali jihatlari ham bor. Faqatgina undan to'g'ri, oqilona foydalana bilish lozim.

Muhtaram Prezidentimiz ta'kidlaganlaridek, yoshlarning kompyuter savodxonligini oshirish, ularning texnologiyalardan unimli foydalanishlariga katta e'tibor qaratilmoqda. Biz ulardan ezgu maqsadlar yo'lida foydalansak, hamma maqsadlarimizga erishamiz. Qimmatli vaqtimizni turli o'yinlar-u har xil saytlarga behuda sarflamasdan, oldimizga qo'ygan ezgu niyatlarimiz sari intilaylik.

**Karimjon IKROMOV,**  
Andijon tumanidagi 23-umumta'lim maktabining 11-«B» sinf o'quvchisi



## KITOB O'QISH MO'JIZASI

Insonda dunyoqarash va fikrlash qobiliyatini rivojlantirishning eng foydali usuli – kitob o'qish. Mutolaani sevgan insonning qalbi go'zallashib boradi.

Men ham bo'sh qoldim deguncha kitob mutolaasiga tutinaman. Maktabimiz kutubxonasi esa men va do'stlarimning eng suyuqli go'shasiga aylangan! Kutubxonamizning kundan kunga xilma-xil kitoblar bilan boyishi ko'zimizni yanada quvontiryapti. Bundan tashqari, zamonaviy ilm-fan aniqlashicha, kitob mutolaasi inson salomatligiga ham ijobiy ta'sir qilishini aniqladilar. Gaplarim isboti sifatida, mutolaa xususidagi ayrim qiziqarli ma'lumotlarni siz aziz do'stlar bilan bo'lishsam:

- Kuniga 6 daqiqalik kitob mutolaasi odamdagi tushkunlik kayfiyatini 68%gacha qisqartiradi;
- Miyani turli kasalliklardan (Altsgeymer, Demensiya) himoyalaydi.
- Uyida kichik bo'lsa-da, kutubxonasi bor bolalarning aqliy qobiliyati tengdoshlarinikiga nisbatan ancha yuqori bo'ladi.
- So'z boyligini oshirishda hech qaysi vosita kitobchalik ko'maklasha olmaydi.
- Har kuni kitob mutolaa qilgan inson bilimi boyib boradi.

Kitobga bo'lgan muhabbat odamni yuqori martabalarga ko'tarishi ham bor gap. Misol uchun, mashhur ixtirochi Tomas Edison 2-3 qatorni bir vaqtda o'qigan va ularni deyarli hammasini yodda saqlay olgan. Maksim Gorkiy esa bir daqiqada 4000 so'zni o'qiy olgan ekan. AQSHning 26-Prezidenti Teodor Ruzvelt esa har ikki kunda bir kitobni o'qib tugatgan ekan.

Aziz do'stlar, Siz-chi? Siz kitobni qanday o'qiydiz? Balki Sizda ham mo'jizalar bo'layotgandir?

**Hayotxon ASLANOVA,**  
Toshkent shahar, Yunusobod tumanidagi 117-umumta'lim maktabining 7-«A» sinf o'quvchisi



# GRETA TYUNBERG – YIL ODAMI DEYA E'TIROF ETILDI

Tyunberg har juma kunlari Shvetsiya parlamenti binosi oldida turib, hukumatni gaz chiqindilarini kamaytirishga va tabiatni asrashga chaqiruvchi harakatlarni uyushtirgan. 15 yoshida o'zining kichik guruhlarini tashkillashtirgan.

Uning harakatlari besamar ketmadi. Gretaning fidoyiligi millionlab insonlarni to'liqlantirib yubordi. 2019-yilning sentyabr oylariga kelib Gretaning bu tashabbusi ommaviy tus ola boshladi. Natijada, Greta Birlashgan Millatlar Tashkiloti Sammitida davlat rahbarlariga murojaat bilan chiqdi, Rim Papasi bilan uchrashdi. Amerika Prezidenti bilan bo'lgan muloqotidan keyin okeanorti davlatining 4 milliondan ziyod



**Amerikaning nufuzli nashrlaridan biri bo'lgan «Time» jurnali 17 yoshli shvetsiyalik Greta Tyunbergni yil odami deb topdi. Greta bir necha yillardan beri iqlimning global o'zgarishlariga qarshi faol kurashayotgan yoshlardan biridir.**

aholisi Gretani faol qo'llab-quvvatlay boshladi. Shu oyda 17 yoshni qarshilagan Greta ayni paytda BMTning Madridda bo'lib o'tayotgan iqlim o'zgarishlariga bag'ishlangan yig'ilishida ishtirok etmoqda.

Aytish joizki, xalqaro nufuzli «Yil odami» mukofotini hali hech kim 16 yoshida qo'lga kiritmagan. Yutuqlari haqida Greta shunday deydi:

«Bunday yutuqni qo'lga kiritishimni xayolimga ham keltirmagan edim. Bu men uchun katta sharaf! Bu yutuq men bilan yelkadosh bo'lgan har bir insonga tegishli».

**Muhammadsharif FAYZULLAYEV tayyorladi**



Toshkent shahri-  
ning Mirobod tumanida joylashgan 110-umumta'lim  
maktabining 3-«D» sinf o'quvchilari maktabga, o'qituvchilari Dilbar  
Hayitovaning huzuriga doimo oshiqishadi. Hattoki ta'til kunlarida ham maktabga  
borgilari kelaveradi, boisi Dilbar opalarini sog'inib qolishadi. Sababi nima ekan-  
ligi bilan qiziqyapsizmi? Keling, yaxshisi, sizga bir boshdan tu-  
shuntira qolaylik.

## KAYFIYAT GIMNASTIKASI

Maktab. Sinf xonasi. O'quvchi o'qituvchisiga salom berib, sinfga kirib keladi. Ustozi esa uning salomiga alik oladi. Bu barchamiz uchun tanish manzara, shunday emasmi?! Lekin muallimlarimiz orasida o'quvchilari bilan salomlashishni qiziqarli bir marosimga aylantirib yuboradiganlari ham bor. Gap kim haqida borayotganini darhol

bilan salomlashgach esa qar-sak chalib qo'yishadi. Yana biri o'zini ustozining bag'riga otadi... Bunday usul bolaga nima beradi, degan o'rinni savol tug'iladi.

– Bir necha salomlashish usullarini rasmi ko'rinishda eshikka ilib qo'yaman, – deydi Dilbar Hayitova yuzida iliq tabassum bilan. – O'quvchilarim kelib, qanday usulda

tarzida o'tishiga harakat qiladi. Jumladan, «O'zimiz tayyorlay-miz» deb nomlagan mashg'ulot jarayonida kichikintoylar o'zlari mustaqil ravishda tayyorlagan shirinliklarini ota-onalariga, yaqinlariga ilinishadi. Shu tariqa ularning oilaga, yaqinlariga bo'lgan mehri, o'zlariga bo'lgan ishonchi ortadi. Tabiat qo'ynida o'tiladigan mashg'ulotlar, ochiq darslar bolajonlar qalbida kichik yoshdanoq ona tabiatga mehr-muhabbat tuyg'ularini shakllantirishga xizmat qiladi. Poytaxtimizdagi tarixiy maskanlarga, muzey va ko'rgazmalarga uyushtiriladigan sayohatlar orqali esa o'quvchilar ong-u shuuriga Vatan tuyg'usi singadi.

Ustozning ta'lim-tarbiya jarayoniga bunday kreativ yondashuvi, innovatsion g'oyalari samarasi bu sinfning jajji bilimdonlari, sportchilari tomonidan qo'lga kiritilayotgan yutuqlar orqali namoyon bo'lmoqda.

3-«D»ning a'lochi o'quvchilaridan biri Diyora Mirhamidova ingliz tilini o'rganish borasida ildamlab ketayotgan bo'lsa, Abdurahmon Qodiriy singari sportsevar bolalar sportning bir necha turlari bo'yicha qator yutuqlarni qo'lga kiritishyapti. Farzandlarining muvaffaqiyatlaridan quvongan ota-onalar ustozdan behad mamnun bo'lib, uning dars o'tish jarayonlarini ijtimoiy tarmoqlarga joylashtirishyapti. Ularga ko'pchilik ota-onalarning havas qilishayotgani ham ayni haqiqat.

Nargiza MIRHAMIDOVA,  
Feruza JALILOVA



anglagandirsiz-a?! To'g'ri topdingiz. Dilbar Hayitova asli kasbi o'qituvchi, logoped bo'lgan ustoz, mana 30 yildirki, bolalik olamida yashaydi, desak, mubolag'a bo'lmaydi. U nafaqat dars o'tish, balki yuqorida ta'kidlaganimizdek, oddiygina salomlashish jarayonini ham o'ziga xos qiziqarli tarzda amalga oshiradi. Har bir bolani sinf xona eshigi oldida yuzida tabassum bilan qarshi oladi. O'quvchisining xohishiga ko'ra o'zi tanlagan usulda salomlashadi: kim bilandir ochiq kaftlarni bir-biriga urib, yana kim bilandir quchoqlashib ko'rishadi. Qay bir o'quvchisi

salomlashishni tanlashadi. Shu tariqa ularni lanjlik holatidan chiqarishga, hali to'la uyg'onmagan miya faoliyatini faollashtirishga, kayfiyatlarini ko'tarishga harakat qilaman. Bunday «kayfiyat gimnastikasi»dan so'ng o'quvchilarim zo'r ishtiyoq bilan dars jarayoniga kirishadilar...

Ustoz pedagogik faoliyatining yana bir ahamiyatli jihati shundaki, u dars jarayonida hech bir o'quvchisini zeri-kib qolishiga yo'l qo'ymaydi. Darslarni, mashg'ulotlarni, tadbirlarni noodatiy tarzda – faqat sinf xonasidagina emas, ko'proq tabiat qo'ynida, o'yin

## DAVRAMIZGA QO'SHILING

Men tumanimizdagi «Barkamol avlod» bolalar ijodiyoti maktabining «Yosh jurnalist va notiq» to'garagi a'zosiman. Ustozimiz Sayyora Ernozardova olib boradigan mashg'ulotlarda biz turli mavzular atrofida fikrlashamiz, bahs, munozaraga kirishamiz.

Bugun sizlarni to'garakdagi do'stlarim, tumanimizdagi 38-umumta'lim maktabi o'quvchilarining ayrim mavzularga oid mulohazalari bilan tanishtirmoqchiman.

Muomala, kiyinish madaniyati deganda nimani tushunasiz?



Tursunoy  
XUDOYBERDIYEVA,  
9-sinf o'quvchisi:

– Ba'zan biz qizlar to'y-hashamga borganimizda kattalar bizning kiyinishimizdan norozi bo'lib, tanbeh berishadi. Biz ularning nasihatlariga lab burmay, to'g'ri qabul qilishimiz, «Xo'p bo'ladi», deya javob berishimiz lozim. Zero, biz qizlarning go'zalligimiz, avvalo, odobimizda, hayo-iboyimizdadir.

Elmurod  
XOLMURODOV,  
8-sinf o'quvchisi:

– Muomala madaniyati haqida gap ketganda, men o'qituvchi va o'quvchi o'rtasidagi munosabatlarga to'xtalishni istardim. Garchand ustozlarning mehnati mashaqqatli bo'lsa-da, men ularni doimo muloyimlik bilan dars o'tishlarini istayman. Tabiiyki, bu biz o'quvchilarga ham bog'liq. Biz ham ularning zahmatlarini qadrlashimiz, qonun-qoidalariga rioya qilishimiz, ustozlarni hurmat qilishimiz lozim.



Diyora  
SAIDBEKOVA,  
8-sinf o'quvchisi:

– Aslida, kiyinish madaniyatiga rioya qilish u qadar mushkul emas. Buning uchun urf-odatlarimizdan kelib chiqib, zamonaviylik bilan milliylikimizni uyg'unlashtirib kiyin-sak bo'lgani.

Zuhra GULISTONOVA,  
8-sinf o'quvchisi:

– Bugungi kunda ota-onamiz huzurida qo'l telefoniga tikilib o'tirishimiz odat tusiga kirib borayotgani o'ylantiradi. Bu aslida hurmatsizlik namunasiku! Bunga yo'l qo'ymaylik, aziz tengdoshlar!



Hasan GULISTONOV,  
Sirdaryo viloyati, Boyovut tumanidagi  
38-umumta'lim maktabining 8-sinf o'quvchisi



## ISTE'DODLAR HAMISHA G'OLIB

**Aziz bolajonlar! Mana, qishki ta'til ham yakunlanib, eng katta, 3-chorak ham boshlandi. Darslar avvalida ustozlaringizga ta'tilingiz maroqli, mazmunli o'tgani haqida to'liqlanib gapirib berganingizga, shubhamiz yo'q.**

Bizning maktabimiz o'quvchilari ham ta'tilda ajoyib tanlovlarda ishtirok etishdi. «Besh tashabbus – besh imkoniyat» shiori ostida tumanimizdagi 12-umumta'lim maktabida o'tkazilgan tadbirda turli maktablardan kelgan jamoalar o'zaro bellashishdi. Kompyuterda matn terish, slayd yaratish, kitobxonlik, dastro'mol hoshiyasiga gul tikish kabi bir-biridan qiziqarli shartlarda o'quvchilar o'z iste'dodlarini namoyon etishdi. «Yosh iste'dodlar» guruhi a'zolari barcha shartlarni muvaffaqiyatli bajardi.

G'olib guruh a'zolariga kitoblari sovg'a qilingan bo'lsa, ularning ustozlari Nigora Alimbekova (98-umumta'lim maktabi), Mehriroda Tursunova (105-umumta'lim maktabi), Yulduz Xalilova (122-umumta'lim maktabi), Difuza Shermuhammedova (288-umumta'lim maktabi)ga tuman xalq ta'limi bo'limining faxriy yoriqlari topshirildi.

– Bugungi ko'rik-tanlovdan barcha maktablarning 4-sinf o'quvchilari qatnashib, o'z iste'dodlarini namoyon etishdi, – deydi hakamlar hay'ati a'zosi Ozoda Nurmuhammedova. Bu esa o'quvchilarimizning besh muhim tashabbus doirasida nazarda tutilgan yo'nalishlarga bo'lgan qiziqishlari katta ekanini ko'rsatadi.

Siz-chi, qaysi to'garaklarga qatnashasiz, nimalarga qiziqasiz, aziz bolajonlar?!

**Marg'uba QAMBAROVA,**

Toshkent shahar, Yunusobod tumanidagi 274-umumta'lim maktabi o'qituvchisi

**Ingliz tilini o'rganamiz! Let's learn English!**

### Lesson 3


## SPORTS ARE FUN

**Dear children, As all you know, sports are very essential to your body and your mind. In fact, there are a lot of different types of sports all over the world. Do you know how to play them?! Today we will learn with you how to play badminton that is interesting for all of you!**

**Let's see the details of the game one by one:**

1. The equipment we need: Badminton Racket, Shuttlecock, Badminton Net.

2. Court: We need the place which is given below in the picture.



3. Scoring: A point is scored when you successfully hit the shuttlecock over the net and land it in your opponent's court before they hit it. A point can also be gained when your opponent hits the shuttlecock into either the net or outside the parameters.

### Finding the champion:

To win a game you must reach 21 points before your opponent. If you do so then you will have won that set. If the scores are tied at 20-20 then it comes down to whichever player manages to get two clear points ahead. Winning the overall game will require you to win 2 out of the 3 sets played.

Is it sound interesting? What are you waiting? Stand up and start action!

**Gulasal ISMOILOVA,**

The English Teacher of School № 43, in Gijduvan district, Bukhara region

## 5-«D» OLDINGI SAFDA!

**Kuni kecha maktabning 5-«D» sinfida «Our shool is old but nice» mavzusida ochiq dars bo'lib o'tdi.**



Jasmina Bauramova, Muxlisa Abdunamatova, Sardor Abduraimov, Diyor Mamatov, Aziz Alinazarov, Shirin Narzullayeva singari o'quvchilar ingliz tilidan olgan saboqlarini namoyish etdilar.

Darsga mehmon bo'lib kirgan maktabning o'quv ishlari bo'yicha direktor o'rinbosari Sevara Hasanova o'quvchilarning ingliz tilida ravon va tiniq so'zlashlari, imlo xatolarsiz yozishlarini ko'rib, xursand bo'ldi.

Shuningdek, Vatan himoyachilari kuni munosabati bilan maktabga harbiy qismlardan askarlar ham taklif qilindi. Ular harbiy bo'lishning mashaqqati va sharaflari tomonlarini birma-bir gapirib berdilar.

Ushbu tadbirda ham 5-«D» sinf o'quvchilari faol ishtirok etdi. Ular ingliz, rus va o'zbek tillarida Vatanni asrash, ona yurtga sadoqat haqida she'rlar yod olishdi. Bo'lajak Vatan himoyachilari tomonidan sport yo'nalishida tryuklar ko'rsatishdi. Ayniqsa, «Askar maktubi» va «Harbiydan qaytgan o'g'il va ona uchrashuvi» sahna ko'rinishi yig'ilganlarni to'liqlantirib yubordi.

**Zilola SIROJIDDINOVA,**

Toshkent viloyati, Angren shahridagi 41-umumta'lim maktabining ingliz tili fani o'qituvchisi



**Poytaxtimizning Olmazor tumanidagi 569-MTTda «Men ham askar bo'lasan!» mavzusida tadbir bo'lib o'tdi.**

## NURXONAMIZ NURGA TO'LDI

**Yaqinda maktabimiz kutubxonasiga homiylarimiz tomonidan badiiy kitoblari hadya etildi.**

G'ijduvon tumani «MCHJ Middle Asia Gas» korxonasi rahbari Husen Temirov, «MCHJ Osuda – Zamin» korxonasi rahbari Bobir Muhammedov, Romitan tumani klaster ishlab chiqarish korxonasi bosh hisobchisi Ibrohim Temirov, tarbiyachilardan Avaz Xudoyqulov, Uchqun Teshayev, Sodiq Bo'ronov kabi saxovatli insonlar salkam yetti million so'mlik badiiy adabiyotlarni maktabimiz Axborot-resurs markaziga sovg'a qilib, uning boyishiga katta hissa qo'shdilar. Homiylarimiz himmatidan barchamiz behad xursand bo'ldik. Ayniqsa, o'quvchilarimiz nigohidagi mamnunlik kayfiyati nafaqat biz ustozlarni, balki ota-onalarimizni ham quvontirmoqda.

Bu ezgu harakatdan o'rnatilgan maktabning 11-«A» sinf o'quvchilari ham maktab kutubxonasiga badiiy kitoblari olib berdilar va nurxonamiz fondining yanada boyitishiga o'z hissalarini qo'shdilar.

**Nigora NASRULLOYEVA,**

Buxoro viloyati, G'ijduvon tumanidagi 51-umumta'lim maktabining o'qituvchisi

## TEMURBEKLAR KUNI



Poytaxtimizning Shayxontohur tumanidagi 41-umumta'lim maktabida «Temurbeklar maktabi» nomli ajoyib tadbir bo'lib o'tibdi. Ta'lim maskanining 5-«A» sinf o'quvchilari ustozlari Kamola Ibragimova boshchiligidagi o'tkazishgan bayramda «Besh tashabbus» loyihasi doirasida ko'rgazmalar ham tashkil etishibdi. Ma'naviy-ma'rifiy ishlar bo'yicha direktor o'rinbosari Dildora opa Ibodova ta'kidlaganidek, ayniqsa, devoriy gazetalar tanlovi barcha bolalarni ijodkorlikka chorlabdi.

**Ertalabki nonushta payti. Stol atrofida uch kishi, ota-ona va Karimjon.**

**Ota:**

– O'g'lim, bugun sen 12 yoshga to'lding. Ya'ni, bir muchal umr ko'rgan tavallud kuning. Onang ikkimiz senga mana bu uch jildli «Mo'jiza kitob» nomli universal qomus kitobini sovg'a qilamiz. O'rtog'ing Salimjon bilan birga mazza qilib o'qinglar.

**Karimjon:** (Kitoblarni xursand bo'lib olarkan).

– Rahmat dadajon, rahmat oyijon! (Ikkinisi quchoqlab, o'pib qo'yadi). Salimjonni chaqirsam maylimi?

**Ota:**

– Mayli, chaqiraqol.

Karimjon shoshilib ko'chaga chiqib ketadi va do'sti Salimjon bilan kirib keladi.

**Karimjon:**

– Papkamni qo'yib chiqay.

**Oyisi:** – Kitobingni olvol, o'rtog'ing bilan birga o'qiysizlar.

**Karimjon:**

– Xo'p bo'ladi. (Onasiga xo'p, dedi-yu, kitobni olib chiqqisi kelmadi).

**Salimjon:**

– Mana qara, dadam menga yaxshi o'qiganim va yaxshi xulqim uchun velosiped sovg'a qildilar. Ma, bir uchib ko'ri!

**Karimjon:**

– Mazza ekan. Yana bir marta minsam maylimi?


**Salimjon:**

– Mayli, xohlasang uyingga olib chiqib ketishing mumkin. Men endi

To'lqin MUHIDDIN

## CHIN DO'STLIK

(Maktab sahnasi uchun)



**Karimjon:**

– Qara, dadam bilan oyim tug'ilgan kunimga nima sovg'a qilishdi, zo'r kitob ekan, – birinchi kitobni varaqlarkan: – Koinot haqida, yulduzlar, osmonda nechta sayyoralar borligi, o'simliklar dunyosi, o'simliklarning hayvonlardan farqi, yana-chi, qushlar haqida ham qiziqarli ma'lumotlar bor ekan.

**Salimjon:**

– Kitoblarni chindanam zo'r ekan. Bitta jildini bir kunga berib tur, ertaga opchiqaman.

**Karimjon:** (Kitobni bergisi kelmay).

– Dadam urishadilar-da, kitobni hech kimga berma, degandilar.

**Salimjon:**

– Mayli unda, shu yerda birga o'qirmiz. (Do'stining qizg'anchiqigidan xafa bo'lmadi. Mo'jiza kitobning birinchi jildidagi bir qancha qiziqarli ma'lumotlarni o'qib bo'lgach, Salimjon do'stini uyiga taklif qildi).

darsimni qilishim kerak. Velosiped minmayman. Olib chiqib ketaver!

**Karimjon:**

– Do'stim, meni kechir, qaysi kitobimni so'rasang ham endi qizg'anmay beraman.

**Salimjonning oyisi bu gaplarni eshitib:**

– Do'stlar shunaqa, bir-biriga mehribon bo'ladi, hech narsasini bir-biridan ayashmaydi.

**Karimjon:**

– Oyi, men do'stlik nimaligini endi tushundim. Salimjonning oyisi aytgandek bo'laman. Salimjon do'stimdan hech narsamni ayamayman endi.

**Karimjonning oyisi:**

– Yasha, bolam. Agar ikki do'st ajralmaydigan, o'ta inoq bo'lishni istasha, marra ularniki. Ularning do'stligiga hamma bolalar havas bilan qaraydigan bo'lishadi va ulardan o'rnak olishga harakat qilishadi, men sendan xursandman...

## QISHNING ZIYNATI

Qishning ayoz kunida,  
Chana, konki uchadi.  
Mazza qilib bolalar,  
Chuvillashib yuradi.

Hoy qorparcha, qorparcha,  
Osmondagi zarracha.  
Zaminimiz ustida,  
Yoyding oppoq ko'rpacha.



Robiyabonu BEYSENOVA,

Toshkent viloyati, Qibray tumanidagi

3-umumta'lim maktabining 4-«A» sinf o'quvchisi

## MEHR BILAN O'QIYMIZ



Ra'no YAHYOYEVA,

Sirdaryo viloyati, Xovos tumanidagi 10-umumta'lim maktabining ona tili va adabiyot fani o'qituvchisi:


– Men ko'p yillardan buyon tuman markazidan ancha olisda bo'lgan qishloqlarning birida o'quvchilarga saboq berib kelmoqdaman. Shu bilan birga, «Yosh adabiyotchilar» to'g'ragini boshqaraman. Maktabimizda barcha o'quvchilar «Tong yulduzi» gazetasini alohida mehr bilan o'qiydilar. Men ham shu gazetani muntazam kuzatib boraman. Ijodkor o'quvchilarning she'r-u hikoyalari mening o'quvchilarimni ham beixtiyor qalam tebratishga undaydi.

Quyida ijodkor o'quvchilarimdan birining she'riy mashqini tahririyatga jo'natayapman. Umid qilamanki, u barchaga manzur bo'ladi.

## QISHLOG'IM

Bizning qishloq juda ko'rkam,  
Atrofida bog'-u rog'lar.  
Har bir chechak, har bir giyoh,  
Ko'nglimizni chunon chog'lar.

Qovun-tarvuz pishgan chog'i,  
Polizlarda sotilmaydi.  
Saxovatli dehqon xalqim,  
Yer yuzida topilmaydi.



Nozima ABDUG'AFFOROVA,

Sirdaryo viloyati, Xovos tumanidagi 10-umumta'lim maktabining 9-sinf o'quvchisi

2020

# Tong yulduzi

Gazeta 1929-yil 1-avgustdan chiqa boshlagan O'zbekiston Respublikasi bolalar va o'smirlar gazetasi

## Yanvar

Du	Se	Ch	Pa	Ju	Sh	Ya
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

## Fevral

Du	Se	Ch	Pa	Ju	Sh	Ya
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	

## Mart

Du	Se	Ch	Pa	Ju	Sh	Ya
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30	31					

## Aprel

Du	Se	Ch	Pa	Ju	Sh	Ya
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30			

## May

Du	Se	Ch	Pa	Ju	Sh	Ya
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

## Iyun

Du	Se	Ch	Pa	Ju	Sh	Ya
1	2	3	4	5	6	7
8	9	10	11	12	13	14
15	16	17	18	19	20	21
22	23	24	25	26	27	28
29	30					

## Iyul

Du	Se	Ch	Pa	Ju	Sh	Ya
		1	2	3	4	5
6	7	8	9	10	11	12
13	14	15	16	17	18	19
20	21	22	23	24	25	26
27	28	29	30	31		

## Avqust

Du	Se	Ch	Pa	Ju	Sh	Ya
					1	2
3	4	5	6	7	8	9
10	11	12	13	14	15	16
17	18	19	20	21	22	23
24	25	26	27	28	29	30
31						

## Sentyabr

Du	Se	Ch	Pa	Ju	Sh	Ya
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30				

## Oktyabr

Du	Se	Ch	Pa	Ju	Sh	Ya
			1	2	3	4
5	6	7	8	9	10	11
12	13	14	15	16	17	18
19	20	21	22	23	24	25
26	27	28	29	30	31	

## Noyabr

Du	Se	Ch	Pa	Ju	Sh	Ya
						1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	29
30						

## Dekabr

Du	Se	Ch	Pa	Ju	Sh	Ya
	1	2	3	4	5	6
7	8	9	10	11	12	13
14	15	16	17	18	19	20
21	22	23	24	25	26	27
28	29	30	31			

Sevimli gazetangizga  
2020-yil uchun  
obuna davom etmoqda!

Manzilimiz: Toshkent shahri, Navoiy ko'chasi, 30-uy.  
Indeks: 100 011. Tel./faks: (0-371) 244-63-08  
www.tongyulduzi.uz, tongyulduzi1929@uamail.uz  
Telegram: t.me/tongyulduz

Nashr ko'rsatkichi  
198

# DONOLARGA OMAD YOR!

Zukko o'quvchilar! Quyidagi testni yechish orqali bilimingizni sinab ko'ring va tahririyatimizga qo'ng'iroq qilgan dastlabki uch nafar o'quvchi sovg'a bilan taqdirlanadi.

1. Velosiped so'zi qanday ma'noni anglatadi?

- A) tez yuruvchilar mashinasi;
- B) motor va g'ildirak;
- D) g'ildirak.

2. 1886-yilning nechanchi sanasida «Avtomobilning dunyoga kelgan kuni» deya e'tirof etilgan?

- A) 25-mart;
- B) 29-yanvar;
- D) 2-fevral.

3. Temiryo'l qaysi asrning boshlarida qurilgan?

- A) XX asr;
- B) XIX asr;
- D) XXI asr.

4. Tramvay so'zi qanday ma'noni anglatadi?

- A) shoxli arava;
- B) elektrli arava;
- D) aravalar yo'li.







5. Skafandr so'zi yunon tilidan qanday tarjima qilinadi?







- A) qayiq-odam;
- B) g'avvoslar qo'n-g'irog'i;
- D) suvda suzuvchi odam.





ZUHRA tayyorladi





## Matematika fanidan qiziqarli boshqotirmalar!

Bu boshqotirmalar Siz o'quvchilarning matematika faniga bo'lgan qiziqishingizni orttirsam, ajab emas.

 +  +  = 30  
 = 18  
 = 2  
 = ?

 +  +  = 21  
 = 52  
 = 14  
 = ?

 = 12  
 = 2  
 = 16  
 = ?

 = 6  
 = 2  
 = 10  
 = ?

Buxoro viloyati, G'ijduvon tumanidagi 43-umumta'lim maktabining matematika fani o'qituvchisi Olimjon NE'MATOV tayyorladi